

الليل

مش قادر اسيب الليل

والليل سهران

ولا قادر اسيب الشمس

تنام على شطّ البحر

وانا شايف شوق في الهمس

بيّهزّ ف ورد البستان

وانا روعي بتصلّي

-في خشوع- الفجر

ونهارى لسا به خطّي

وبعدي الموج

لشماسي فارشة لي البرّ

والضِّلَّة بتضحك.. جَوَّاهَا حنان

وانا طائر بجناحي الحرّ

ومعايا الليل والفجر

وسنين العمر...

أما تعتّق في ليالي العشق

مش سايبة في القلب مكان

للتوهة ولا للأحزان

ولا لحظة للزمن المرّ

الشارع بينا فرحان

وبيمشي الخطوة اللي تسرّ

وبيحلف للعالم كله

ان احنا الاتنين عشاق

عشاق وبقي لنا زمان

وانا عايش على ضيّ البدر